



22. juli 2014

Inatsisartut Suleriaasianni § 37 naapertorlugu Naalackersuisunut apeqqutit makku matumuuna saqqummiuppakka:

**Naalackersuisunut apeqqut inuit pisinnaatitaaffii pillugit:**

**1. Nalunaarummi “Kalaallit Nunaanni inuit pisinnaatitaaffii – killiffik 2014” suliniutissat tigussaasut 36-t siunnersuutigineqarput, nunatsinni inuit pisinnaatitaaffiinik nukittorsaasussat. Naalackersuisunut nassuiaqquneqarpoq, siunnersuutini 36-iusuni sorliit salliuutillugit piviusunngortinniarneqarnersut kiisalu sorliit siunnersuutit atorneqassamaannginnersut. Nassuiaat ataasiakkaat tamarmik sukumiisumik tunngavilersorneqarsimassapput.**

(Inatsisartunut ilaasortaq Andreas Uldum, Demokraatit)

**Tunngavilersuut**

Kalaallit Nunaanni inuit pisinnaatitaaffii pillugit Siunnersuisoqatigiit aamma Institut for Menneskerettigheder suleqatigiillutik nalunaarusiornikuupput taasamik ”Kalaallit Nunaanni inuit pisinnaatitaaffii – killiffik 2014”.

Perngaammik Kalaallit Nunaanni inuit pisinnaatitaaffii pillugit killiffilersuilluni nalunaarusiortoqarpoq. Nalunaarummi innersuussutit 36-t saqqummiunneqarput, qanoq iliorluni immikkoortut arfineq-marluk iluanni nukittorsaasoqarsinnaanersoq.

- Inuit pisinnaatitaaffii pillugit eqqartuussiviup pilersinnera.
- Meeqqat
- Innarluutit
- Inatsisitigut illersorneqarneq
- Inuit pisinnaatitaaffiisa siammarnernissaat
- Ilinniartitaanneq
- Nunap pissuussutaanik uumaatsunik piianeq

Kalaallit Nunaanni inuit pisinnaatitaaffii pillugit Siunnersuisoqatigiit aamma Institut for Menneskerettigheder arlaannaannulluunniit attuumassuteqanngillat taamaattumik aamma Naalackersuisut pisussaaffeqanngillat nalunaarummi innersuussutit malissallugit. Demokraatini tamanna tunngavigalugu kissaatigaarput nassuiarneqassasoq, innersuussutigineqartuni sorliit Naalackersuisut piviusunngortinniarneeraat aamma sorliit piviusunngortinneqarnissaat kissaatigineqannginnersoq.

Apeqqutit akeqquneqarput ullut suliffiit naliginnaat qulit iluanni.



**DEMOKRAATIT**  
DEMOKRATERNE